



monmouthshire
sir fynwy

Cyngor Sir Fynwy
Neuadd y Sir, Y Rhadyr,
Brynbuga, Sir Fynwy
NP15 1GA
Monmouthshire County Council
County Hall, Y Rhadyr, Usk,
Monmouthshire
NP15 1GA

Ffôn/Tel: 01633 644 644
Gwefan/Web:
<https://www.monmouthshire.gov.uk/cy/>
Ein Cyf/Our ref:
Eich Cyf/Your ref:

DERBYN EICH PLENTYN I FEITHRINFFA - MEDI 2027

GWYBODAETH I RIENI

Gofynnir i chi ddarllen y nodiadau hyn yn ofalus cyn cwblhau eich ffurflen gais.

Argymhellwn yn gryf eich bod yn darllen Llyfryn Dechrau Ysgol 2027/28 gan fod hyn yn cynnwys gwybodaeth fanylach am y broses ymgeisio. Mae copi o'r llyfryn ar gael ar www.monmouthshire.gov.uk/cy/.

Pwysig: Gofynnir i chi sicrhau eich bod yn cwblhau ffurflen gais derbyn i feithrinfa ar gyfer eich plentyn i ddechrau mewn ysgol feithrin ym mis Medi 2027. **Ni all** eich plentyn fynychu meithrinfa heb ddilyn y broses ymgeisio. P'un ai a ddewiswch wneud cais ar-lein neu drwy ffurflen gais ar bapur, gofynnir i chi sicrhau y caiff ei dychwelyd cyn y dyddiad cau, sef **11 Medi 2026 am 5pm** er mwyn cynyddu'r posibilïadau y bydd eich plentyn yn cael lle yn eich dewis feithrinfa.

Faint o feithrinfeydd ddylwn i wneud cais amdanynt?

Gwahoddir rhieni i fynegi hyd at dri dewis (yn nhrefn blaenoriaeth) rhag ofn nad oes lle ar gyfer eich plentyn yn eich ysgol dewis cyntaf.

Anogir rhieni/gwarcheidwaid i gynnwys mwy nag un dewis ar eu cais i'w hystyried. Os bydd eich meithrinfa ddewisol yn cael ei gwrthod, bydd methu â rhoi mwy nag un dewis yn golygu y bydd yr awdurdod yn neilltuo lle yn eich meithrinfa agosaf nesaf sydd ar gael. Os byddwch yn rhoi gwybod i ni am ddewisiadau eraill ar ôl i'r penderfyniad hwn gael ei wneud, efallai bydd yr holl leoedd sydd ar gael yn eich meithrinfa/meithrinfeydd amgen wedi'u cymryd.

Mae Cyngor Sir Fynwy yn gweithredu cynllun dewis cyfartal. Mae hyn yn golygu y bydd pob un o'ch dewisiadau yn cael eu hystyried yn gyfartal a'u blaenoriaethu ar sail meini prawf goralw'r Awdurdod Lleol. Os oes mwy nag un o'ch dewisiadau ar gael, byddwn yn cynnig y dewis gorau o'r rheiny i chi.

Pwy ddylai wneud y cais?

Rhaid i geisiadau ar gyfer derbyn i feithrinfa gael eu cwblhau gan y person sydd â chyfrifoldeb rhiant am y plentyn. Mae'n rhaid i bob parti sydd â chyfrifoldeb rhiant gytuno i'r cais a gyflwynir. Os bydd unrhyw anghydfod rhwng y rhai sydd â chyfrifoldeb rhiant yng nghyswllt y cais, ni all yr Awdurdod Lleol symud ymlaen gyda'r cais nes y cafodd yr anghydfod ei ddatrys.

Manylion cyfeiriad - beth os byddaf yn symud?

Gofynnir i chi sicrhau mai'r cyfeiriad a nodir ar eich ffurflen gais yw cyfeiriad cartref parhaol eich plentyn. Dyma'r cyfeiriad y bydd yr Awdurdod Lleol yn ei ddefnyddio i benderfynu ar gais eich plentyn. Bydd yr Awdurdod Lleol yn cynnal gwiriadau preswyliaid trwyadl er mwyn dilysu manylion y cyfeiriad a nodwyd.

Bydd yn ofynnol i Rieni/Gofalwyr sydd wrthi'n symud eiddo hysbysu'r Awdurdod Lleol **ar adeg gwneud y cais** o ran y symud arfaethedig a chyflwyno tystiolaeth i ddilysu eu cyfeiriad newydd, er mwyn i'r cyfeiriad hwn gael ei ystyried. Tystiolaeth addas fyddai copi o gyfnewid contractau (ar gyfer pryniannau) neu gytundeb tenantiaeth tymor hir (ar gyfer trefniadau rhentu). Rhaid cyflwyno'r cais a hysbysu ynghylch newid cyfeiriad arfaethedig cyn y dyddiad cau cyhoeddedig er mwyn cael ei ystyried fel cais mewn pryd. Os methir â hysbysu'r Awdurdod Lleol am symud arfaethedig i gyfeiriad newydd cyn y dyddiad cau cyhoeddedig, bydd y cais yn cael ei bennu fel un hwyr.

Bydd angen i rieni/gofalwyr sydd wrthi'n symud, ond nad ydynt yn gallu dilysu'r symudiad cyn y dyddiad cau, sicrhau bod eu cais wedi'i gwblhau yn cael ei gyflwyno cyn y dyddiad cau cyhoeddedig, a bod y cais yn rhoi gwybodaeth am y bwriad i symud. Bydd yr Awdurdod Lleol yn cysylltu â rhieni/gofalwyr ynglŷn â'r symud arfaethedig er mwyn cael cadarnhad bod preswyliaid yn yr eiddo newydd wedi'i sicrhau. Fodd bynnag, bydd angen i rieni roi tystiolaeth i'r awdurdod lleol sy'n sicrhau eu bod yn newid cyfeiriad ddim hwyrach na 6 wythnos cyn y dyddiad cynnig cyhoeddedig er mwyn i'r cyfeiriad newydd gael ei ystyried at ddibenion dyrannu.

Cymerwch ychydig o amser i astudio'r Llyfryn Dechrau'r Ysgol 2027/28 am wybodaeth fanylach am y broses os ydych yn ystyried symud cyfeiriad.

Beth mae'n ei olygu os caiff fy nghais ei benderfynu fel un hwyr?

Caiff unrhyw geisiadau a dderbynnir ar ôl y dyddiad cau, neu geisiadau sy'n parhau'n anghyflawn ar y dyddiad cau, eu trin dan y trefniadau ar gyfer ceisiadau hwyr.

Bydd ceisiadau lle bu newid mewn amgylchiadau, sydd ag effaith ar statws y cais o fewn y meini prawf gorlawn, yn golygu y caiff y cais ei drin fel un hwyr os deuir â'r newidiadau hyn i sylw'r Awdurdod ar ôl y dyddiad cau.

Dylid nodi y gall ceisiadau y penderfynir eu bod yn rhai hwyr gynyddu'r posibilrwydd na fyddwch yn sicrhau lle yn eich meithrinfa/meithrinfeydd dewisol. Mae hyn oherwydd y bydd pob cais a gyflwynir gyda'r dystiolaeth angenrheidiol cyn y dyddiad cau yn derbyn blaenoriaeth dros y rhai a dderbynnir ar ôl y dyddiad cau.

Sut y caiff fy nghais ei benderfynu?

Mae'r Awdurdod Lleol wedi ymrwymo i weithio gyda meithrinfeydd a rhieni i gydymffurfio gyda'ch dewisiadau, lle bynnag mae hynny'n bosibl. Fodd bynnag, mae achlysuron lle na allwn ddarparu ar gyfer dymuniadau rhiant.

Cewch eich cynghori'n gryf i gynnwys mwy nag un dewis ar eich ffurflen gais, y gallwn wedyn ei ystyried pe byddech yn aflwyddiannus yn eich cais am eich meithrinfa ddewisol gyntaf. Caiff eich dewisiadau eu hystyried yn gyfartal yn unol â meini prawf goralw'r Awdurdod Lleol a chynigir eich meithrinfa ddewisol gyntaf i chi os gellir darparu ar gyfer mwy na un dewis - ni fyddwch dan anfantais mewn unrhyw ffordd drwy gynnwys mwy nag un dewis ar eich cais, ond gallech fod dan anfantais os na wnewch hynny.

Os bydd yr Awdurdod Lleol yn derbyn mwy o geisiadau nag sydd o leoedd ar gael yn y feithrinfa ddewisol gyntaf, gweithredir y meini prawf isod er mwyn dewis yr ymgeiswyr llwyddiannus:

Plant sydd â Datganiad o Anghenion Addysgol Arbennig (gofyniad statudol ar gyfer derbyn)

1. Bydd plant sy'n derbyn gofal neu blant oedd yn derbyn gofal yn flaenorol h.y. plant sydd dan ofal neu sydd wedi bod o dan ofal yr Awdurdod Lleol yn cael blaenoriaeth dros y rhai sy'n bodloni pwyntiau 2-4 isod.
2. Rhoddir blaenoriaeth i seiliau meddygol neu gymdeithasol a amlygir gan asiantaethau priodol dros y rhai sy'n bodloni pwyntiau 3-4 isod.
3. Bydd plant sydd â brawd neu chwaer perthnasol sy'n mynychu'r dewis feithrinfa (nid y brif ysgol) ar adeg derbyn, yn cael blaenoriaeth dros y rhai sy'n cyflawni pwynt 4 isod.
4. Ar ôl cymhwyso'r categorïau uchod, neu os yw'r ysgol yn parhau i fod mewn sefyllfa o ordanysgrifio yn unrhyw un o'r categorïau uchod, bydd y flaenoriaeth yn seiliedig ar agosrwydd i'r ysgol a ffafrir, wedi'i fesur gan ddefnyddio'r llwybr cerdded diogel byrraf.

Cymerwch ychydig o amser i astudio Llyfryn Dechrau'r Ysgol 2027/28 am wybodaeth fanylach ar feini prawf goralw'r Awdurdod Lleol.

Mae gan fy mhlentyn frawd neu chwaer yn y feithrinfa'n barod – a fydd yn cael lle yn awtomatig yn y feithrinfa hon?

Ystyrir brodyr a chwiorydd, boed rhai llawn, hanner, llys neu wedi maethu, yn berthnasol pan fyddant yn byw gyda'i gilydd yn yr un cyfeiriad a phan fydd y plentyn hŷn dal i fod wedi'i gofrestru yn y feithrinfa pan fyddai'r un ieuengaf yn gymwys i fynychu.

Ni all yr awdurdod lleol warantu lle yn eich meithrinfa ddewisol ar y sail bod ganddynt frawd neu chwaer yn mynychu'r feithrinfa sy'n cael ei ffafrio. Fodd bynnag, mae brodyr a chwiorydd yn rhan o'r meini prawf ar gyfer goralw fel y dangosir uchod.

Y plant yn gymwys am ddechrau cynnar?

Mae'n bosibl y bydd plant a anwyd rhwng y 1af Medi a'r 31ain Mawrth yn cael cynnig cychwyn cynnar yn y tymor yn dilyn eu pen-blwydd yn 3 oed, hoffech gael eich ystyried am hyn os daw lleoedd ar gael, yna gofynnir i chi sicrhau eich bod yn gwneud cais am hynny ar eich ffurflen gais.

Y broses ymgeisio i fynychu meithrinfa tu allan i Sir Fynwy

Os dymunwch wneud cais i'ch plentyn fynychu meithrinfa tu allan i Sir Fynwy, mae'n rhaid i chi wneud cais i'r Awdurdod Lleol perthnasol.

Y broses ymgeisio i fynychu lleoliad nas cynhelir

Os dymunwch wneud cais am le mewn meithrinfa nas cynhelir, bydd yn rhaid i chi wneud cais yn uniongyrchol iddynt, mae manylion pellach ar gael ar www.monfis.org.uk.

Cyfrifoldeb rhieni yw sicrhau bod ceisiadau ar-lein neu ffurflenni dewis yn cael eu derbyn erbyn y dyddiad cau, sef 11 Medi 2026 am 5pm. Os ydych yn cyflwyno ffurflen bapur, argymhellwn yn gryf eich bod yn anfon eich ffurflen mewn dull lle cewch dystiolaeth bod y Cyngor wedi'i derbyn, er enghraifft gan ddosbarthiad arbennig y Post Brenhinol neu drwy fynd â hi â llaw i'n swyddfeydd. Nid yw'r Awdurdod Lleol yn derbyn unrhyw gyfrifoldeb am ffurflenni a aiff ar goll yn y post neu a gaiff eu dychwelyd oherwydd nad oes stampiau o werth ariannol digonol arnynt.
